

Канон святителю Феофану, Затворнику Вышенскому

Память празднуем 10 (23) января

Тропарь, глас 8-й

Правосла́вия наста́вниче, благоче́стия учи́телю и чистоты́, Вы́шенский подви́жниче, святи́телю Феофа́не Богому́дре, писа́ньми твои́ми сло́во Бо́жие изъясни́л еси́ и всем ве́рным путь ко спасе́нию указáл еси́, моли́ Христа́ Бо́га спастися душáм нáшим.

КАНОН, глас 8-й

Песнь 1

Ирмос: Вóду прошéд, я́ко сýшу, и египетскаго зла избежа́в, израильтянин вопия́ше: Изба́вителю и Бо́гу нáшему поим.

Припев: Святи́телю о́тче наш Феофа́не, моли́ Бо́га о нас.

Ра́достно принося́ще хвалéние, смире́нно к тебе́ припада́юще, про́сим: приими́ недосто́йное молéние нáше, святи́телю о́тче Феофа́не.

Святи́телю о́тче наш Феофа́не, моли́ Бо́га о нас.

Ангеле земный и челове́че Бо́жий, в затво́ре Вы́шенския обители́ пребыва́я, непреста́нно моля́ся ко Го́споду, изъясня́л еси́ лю́дем путь ко спасе́нию.

Слава: Днесь соше́дшися, ве́рнии, восхва́лим пéсньми духо́вными святи́теля Феофа́на, нáшего при́снаго к Бо́гу моли́твенника.

И ныне: Утверди́ нас, Ма́ти Бо́жия, в ве́ре Сы́ну и Бо́гу Твоему́, дивно прославля́ющему уго́дники Сво́я и дру́ги их нарица́ющему.

Песнь 3

Ирмос: Небе́снаго кру́га Верхотво́рче, Го́споди, и Це́ркве Жижди́телю, Ты мене́ утверди́ в любви́ Твое́й, желáний кра́ю, ве́рных утвержде́ние, Еди́не Человеколю́бче.

Святителю отче наш Феофане, моли Бога о нас.

Имя твоё, святителю Феофане, яко миро, землю нашу облагоуха, услаждающе сердца верных, призывающе всех к духовней радости и спасению.

Святителю отче наш Феофане, моли Бога о нас.

Святче Божий, угодниче Христов Феофане, призри на немощи наша и исцели души наша, страстьми присно обуреваемыя.

Слава: Яко пчела трудолюбивая, с луга духовнаго мед писаний отеческих нам предлагаеши, святителю, во спасение с молитвою к тебе притекающих.

И ныне: Феофане святителю, прииди, стани с нами, да прославим вкупе Пресвятую Деву, Христа Бога рождшую

Господи, помилуй (*трижды*).

Седален, глас 8-й

Житие твоё славно бысть и успение со святыми, святче Божий Феофане, ныне же у Престола Всевышняго предстоиши, молися о нас, всеблаженне, да спасет Господь души наша.

Песнь 4

Ирмос: Ты моя крепость, Господи, Ты моя и сила, Ты мой Бог, Ты моё радование, не оставль недра Отца и нашу нищету посети. Тем с пророком Аввакумом зову Ти: силе Твоей слава, Человеколюбче.

Святителю отче наш Феофане, моли Бога о нас.

Феофане святителю, разум твой мудре Христу вверил еси, Царствия Вечнаго сподобися, моли ныне вся премудростию сотворшаго, да спасет души наша.

Святителю отче наш Феофане, моли Бога о нас.

Егоже возлюбил еси, Егоже единого возжелел еси, Егоже ради в затворе подвизался еси, моли ныне, да спасет души наша.

Слава: Образ был еси Богоданней пастве твоей, словом, житием, любовью, духом, верою и чистотою. Сего ради ты яко

істиннаго пастыря почитаём, Феофане отче наш.

И ныне: Феофане Богомудре, молися о нас Пресвятей Владычице Богородице, да Своим всесильным предстательством умолит Христа спасти души наша.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окайнного, но обрати мя и к свету заповедей Твоих пути моя направи, молюся.

Святителю отче наш Феофане, моли Бога о нас.

Ангели на небеси радуются, человецы на земли духовно торжествуют, память совершающе святителя Феофана, дивнаго о всех нас молитвенника.

Святителю отче наш Феофане, моли Бога о нас.

Научи нас, блаженне Феофане, веди Христа Света Истиннаго, просвещающего всякаго человека, грядущаго в мир.

Слава: Егоже воинства Небесная славят, в житий своём непрестанно прославлял еси, научи и нас, святче Божий, добродетельми Господа славити.

И ныне: Вышшую Небес и Чистую светлостей солнечных, Избавльшую нас от клятвы, Владычицу мира песнями почтим.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся, к Тебе бо возопих, и услыши мя, Боже спасения моего.

Святителю отче наш Феофане, моли Бога о нас.

Шел еси тесным путем ко спасению, краткий краткому взывая непрестанно: мне прилепятся Богу благо есть.

Святителю отче наш Феофане, моли Бога о нас.

Истины Христовы вожделев, скорби и обиды радостно терпел еси, помышляя непрестанно, якоже венец без победы, такожде победа без подвига не бывает.

Святителю отче наш Феофане, моли Бога о нас.

Не забуди нас, чад твоих, отче Феофане, в дому Отца Небеснаго пребывая, и сподоби молитвами твоими в Чертог

Господа славы внѣти.

Слава: Славу и вся сокровища мѣра презрел еси, неуклонно шествуя к горнему мѣру, и ныне радостію ангельскою радуешься, отче наш, святителю Феофане.

И ныне: Кто Тебѣ не ублажит, Пресвятая Дѣво? кто ли не воспѣет Твоего пречистаго Рождества? Моли Чистая, Всеблаженная, Сына Твоего и Бога помилуютися душам нашим.

Господи, помилуй (*трижды*). Слава, и ныне:

Кондак, глас 4-й

Богоявленію тезоименитый, святителю Феофане, учеными твоими многи люди просветил еси, со Ангели ныне предстоя Престолу Святыя Троицы, моли непрестанно о всех нас.

Икос

Якоже явленіе Божественных дарований войстинну показался еси земли Россійстей, святителю Феофане, пастырю добрый стада Христова, вразумляя житіем, словом и писаніем наставляя. И ныне Престолу Пресвятыя Троицы предстоя, со дерзновением воздевая преподобней руке твоей, моли непрестанно о всех нас.

Песнь 7

Ирмос: Божия снизхожденія огонь устыдѣся в Вавилоне иногда. Сего ради отроцы в пещи радованною ногою, яко во цветнице, ликующе, пояху: благословен еси, Боже отец наших.

Святителю отче наш Феофане, моли Бога о нас.

Крестный путь подвигоположника Христа выну пред собою имея, путем тесным, ведущим в жизнь вечную, шествовал еси, блаженне, взывая непрестанно: благословен Бог отец наших.

Святителю отче наш Феофане, моли Бога о нас.

Или Фесвитянину ревностию подражал еси, святителю Феофане, любвию Божественною сердце твое распалая, в терпении душу твою стяжал еси, вопия: благословен Бог отец наших.

Слава: Истины Божественныя ревностный проповедниче, мудростию словес твоих и учений, отче Феофáne, наставляеми, купно с тобою поем ныне: благословен Бог отец наших.

И ныне: Подаждь утешение рабom Твоим, Богородительнице Марие, да вопием с Тобюю к Сыну Твоему и Спасу нашему: благословен Бог отец наших.

Песнь 8

Ирмос: Седмерицею пещь халдейский мучитель Богочестивым неистовно разжже, силою же лучшею спасены, сий виде, Творца и Избавителю вопияше: отроцы, благословите, священницы, воспойте, людие, превозносите во вся веки.

Святителю отче наш Феофáne, моли Бога о нас.

Отроцы, благословите, священницы, воспойте, людие, превозносите Христа во веки, совершающе велие торжество прославления угодника Божия, святителя Феофána.

Святителю отче наш Феофáne, моли Бога о нас.

Достойно воспевати Божию славу научал еси всех, проповедниче благочестия Феофáne, и нас, ныне с верою пришедших к тебе, сему научи, да славится Имя Божие во веки.

Слава: Веры твердый поборниче, благочестия мудрый проповедниче, Православия изрядный Богослове, Феофáne, Вышенский затворниче, сподоби нас, недостойных, в радости духовней воспевати Господа, превозносимаго во вся веки.

И ныне: Исцелений струи всегда верным подавши, Мати Божия, исцели души наша, молитв ради угодника Божия Феофána, да славим Рождество Твое, Пречистая, и превозносим во вся веки.

Песнь 9

Ирмос: Ужасеся о сем Небо, и земли удивившася концы, яко Бог явися человеком плотски, и чрево Твое бысть пространнейшее Небес. Тем Тя, Богородицу, Ангелов и человек чиновачалия величают.

Святителю отче наш Феофáne, моли Бога о нас.

Жизни вечныя сподобился еси, святителю, буди ходатай и

моли́твенник тёплый о нас к Бо́гу, ве́рою па́мьть твою́
свяще́нную пра́зднующих.

Святы́телю о́тче наш Феофа́не, моли́ Бо́га о нас.

Но́вый вои́стинну чудотво́рец яви́лся еси́, Феофа́не Богом́дре,
яко це́литель премы́лостивый и врач безме́здный душ и теле́с
всех с ве́рою к тебе́ притека́ющих, ми́луя и утеша́я и щедро́ты
тво́я преизоби́льно излива́я.

Святы́телю о́тче наш Феофа́не, моли́ Бо́га о нас.

Исти́нно яви́лся еси́ моли́твенник тёплый о нас к Бо́гу,
испроси́, о́тче, у Творца́ вся́ческих, прегреше́ний оставле́ние
всем с ве́рою и любóвию тя велича́ющим.

Слава: Челове́че Бо́жий, ве́рный дру́же Хри́стов, прими́
мы́лостивно моле́ния на́ша и принеси́ я́ ко Престо́лу сла́вы
Го́спода, Креще́нием Свои́м Иорда́нския струи́ освятившаго.

И ныне: Егóже вои́нства Небе́сная сла́вят, Егóже во чре́ве
носи́ла еси́, Богома́ти Пречи́стая, моли́ ущедри́ти и спасти́ ду́ши
на́ша.